

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1507/12
Sarajevo, 6.6.2013. godine

Z A P I S N I K

14. SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 21.3., 18.4., 16.5.2013. i 6.6.2013. godine

Sjednica je počela u 12.03.

Sjednici je predsjedavao Radoje Vidović, predsjedavajući Doma naroda Parlamenta Federacije BiH.

Na početku sjednice predsjedavajući je pozdravila prisutne.

Izostanak sa sjednice opravdao je Slaviša Mihajlović.

Na osnovu evidencije Stručne službe, predsjedavajući je konstatovao da sjednici prisustvuje 53 delegata, što čini većinu, te Dom naroda može raditi i punovažno odlučivati.

Predsjedavajući je podsjetio delegate da na osnovu člana 104. Poslovnika o radu Doma naroda mogu postavljati delegatska pitanja i pokretati inicijative, te izraziti nezadovoljstvo dobijenim odgovorom.

Delegatska pitanja i inicijative

Amir Zukić je izrazio nezadovoljstvo zbog toga što se Federalno ministarstvo zdravstva i Federalno ministarstvo rada i socijalne politike nisu aktivirali u vezi sa njegovom inicijativom za formiranje porodiljskog fonda, te je ponovo apelirao na nadležna ministarstva da se aktiviraju o tom pitanju.

Senahid Šaković je izjavio da je djelomično zadovoljan odgovorom Zavoda za javno zdravstvo Federacije BiH, vezano uz način iznalaženja rješenja da se potraživanja prema kantonalnim zavodima koja se potražuju na osnovu ino-osiguiranja izmire. Izjavio je da Federalno ministarstvo zdravstva i Federalno ministarstvo finansija nisu uopće odgovorili na ovo pitanje te im ga je ponovo uputio.

Josip Perić je ponovo podsjetio na svoje dvije inicijative vezane uz održavanje tematskih sjednica Doma naroda, koje se odnose na stanje u privredi i stanje braniteljske populacije.

Upitao je da li su Vlada Federacije, Federalno ministarstvo unutrašnjih poslova, SIPA i ostale institucije poduzele mjere u vezi sa

nestankom pšenice, konzervi i goriva u Direkciji robnih rezervi Federacije BiH.

Mustafa Kurtović je izrazio nezadovoljstvo zbog nedonošenja Zakona o šumama.

Mijo Matanović je izrazio nezadovoljstvo zbog nedobijanja odgovora na pitanja koja se odnose na korisnike podsticaja u Posavskom kantonu u 2011. i 2012. godini, utroška sredstava predviđenih u grantu za povratak izbjeglih i raseljenih lica u Posavinu za 2011. i 2012. godinu i početak građenja mosta na Savi kod Svilaja.

Zahid Bašić je izjavio da postoji kontradikcija u odgovorima koje su dali premijer Federacije Nermin Nikšić i Federalni ministar rada i socijalne politike Vjekoslav Čamber na pitanje vezano uz izgradnju Centra za autizam u Tuzlanskom kantonu.

Elvira Abdić-Jelenović je postavila dva pitanja.

Prvo pitanje je postavila Federalnom ministarstvu raseljenih lica i izbjeglica koje se odnosi na evidenciju izbjeglih i raseljenih lica sa područja Unsko-sanskog kantona, a posebno sa područja općina Velika Kladuša i Cazin, te koliko je sredstava isplaćeno općinama u Unsko-sanskom kantonu za povratak ovih lica u periodu od 1997. do danas. Upitala je koliko je donatorskih sredstava prikupljeno za povratak izbjeglih i raseljenih lica i kako su sredstva raspodijeljena po kantonima.

Dugo pitanje je postavljeno Vladi Federacije, Federalnom pravobranilaštvu i Federalnom tužilaštvu - kada je Vlada Federacije donijela odluku o potpisivanju ugovora o poslovnoj saradnji sa «Gadžo komerc», d.o.o. Sarajevo i da li je Federalno pravobranilaštvo dalo mišljenje na ovaj ugovor. Također, postavila je pitanje zašto Vlada Federacije i resorno ministarstvo nisu odgovorili na zahtjev udruženja za zaštitu nezaposlenih dioničara "Agrokomerca" upućenog u devetom mjesecu 2012. godine da im se "Agrokomerc" da u zakup, te zašto je Vladi Federacije prihvatljivije da "Agrokomerc" pokloni firmi iz Sarajeva, a ne osobama koje su "Agrokomerc" izgradile.

Federalni ministar energije, rudarstva i industrije Erdal Trhulj je odgovorio da Vlada Federacije nije ni na jednoj sjednici razmatrala davanje u zakup određenih prostora "Agrokomerca" zato što to nije njena nadležnost, te da je pitanje koje je postavila u isključivoj nadležnosti Uprave društva koja potpisuje ugovore uz saglasnost Nadzornog odbora, te da Upravi i Nadzornom odboru "Agrokomerca" treba uputiti pitanje zašto "Agrokomerc" nije dat u zakup Udruženju za zaštitu nezaposlenih dioničara "Agrokomerca".

Elvira Abdić-Jelenović je zatražila pisani odgovor na sva postavljena pitanja.

Mira Ljubijankić je, u ime Kluba delegata srpskog naroda, ponovila pitanje Federalnom ministarstvu raseljenih lica i izbjeglica, a odnosi se na dostavu spiska izbjeglih i raseljenih lica kojima su dodjeljena sredstava predviđena za pomoć povratku, iznos sredstava koja su dodijeljena i područja na kojima su ova sredstva dijeljena.

Aner Žuljević je zatražio da nadležno tužilaštvo da odgovori da li su zamjenik premijera Jerko Ivanković Lijanović i devet ministara u Vladi Federacije prilikom izmjene Poslovnika Vlade Federacije prekršili odredbe člana 387. Krivičnog zakona Federacije BiH.

Dževad Rađo je postavio pitanje da li Vlada Federacije još postoji u tehničkom ili nekom drugom mandatu.

Almedin Aliefendić je postavio pitanje Federalnom ministarstvu unutrašnjih poslova a tiče se implementacije Zakona o matičnim knjigama.

Vesna Saradžić je postavila pitanje Kolegiju Doma naroda kada će doći do formiranja komisije za evropske integracije u Domu naroda.

Predsjedavajući Doma naroda je odgovorio da je na današnjoj sjednici pod tačkom - Izbor i imenovanja - predviđeno formiranje ove komisije.

Hajrudin Bećirović je upitao Kolegij Doma naroda kada će Dom naroda razmatrati Zakon o električnoj energiji u Federaciji BiH i Zakon o koncesijama i kakav je status Zakona o korištenju obnovljivih izvora energije i efikasne kogeneracije.

Drago Puzigaća je postavio pitanje premijeru Federacije i nadležnom ministarstvu da li će Vlada Federacije poduzeti mjere za ublažavanje teške ekonomske situacije u Općini Drvar, koja se odnosi na gašenje niza trgovačkih i ugostiteljskih objekata, veliki broj nezaposlenih i sl.

Sretko Radišić je postavio pitanje Kolegiju Doma naroda da li će Dom naroda uskoro razmatrati pitanje popisa stanovništva u Bosni i Hercegovini jer će se popis obaviti na jesen.

Mijo Matanović je postavio pitanje Vladi Federacije kada će Zakon o izmjenama i dopunama Zakona o pripadnosti javnih prihoda u Federaciji BiH uputiti u parlamentarnu proceduru.

Federalni ministar finansija Ante Krajina je odgovorio da je Federalno ministarstvo finansija bilo zaduženo za rukovođenje grupom koja je radila na izmjenama i dopunama ovog zakona i da je na portalu Vlade Federacije postavljen Izvještaj o obavljenim aktivnostima i Prijedlog Zakona o izmjenama i dopunama Zakona o pripadnosti javnih prihoda u Federaciji BiH koji čeka da se uvrsti u dnevni red.

Zahid Bašić je postavio pitanje premijeru Federacije Nerminu Nikšiću da li će u toku ove bužetske godine, u kolikom iznosu i kada Vlada Federacije osigurati sredstva za pomoć za izgradnju centra za autizam u Tuzlanskom kantonu.

Mustafa Kurtović je uputio inicijativu prema Kolegiju Doma naroda da u Ekspertnu grupu pravnika, formiranu od američke ambasade a vezano uz ustavne promjene u Federaciji BiH, budu uključeni i predstavnici oba doma Parlamenta Federacije BiH kao i predstavnici kantona.

Slobodan Tomić je postavio pitanje kabinetu JP Ceste Federacije BiH u Mostaru, koliko imaju zaposlenih, imenom i prezimenom, iz reda srpskog naroda.

Vesna Nemeć-Klisura je uputila pitanje Kolegiju Doma naroda da li će na prvoj narednoj sjednici Doma naroda na dnevnom redu biti Prijedlog

Zakona o izmjenama i dopunama Zakona o osnivanju Instituta za medicinsko vještačenje zdravstvenog stanja.

Nakon postavljanja delegatskih pitanja i inicijativa predsjedavajući je pozvao delegate da usvoje zapisnike sa 11. i 13. vanredne sjednice Doma naroda i zapisnike sa 11. i 12. redovne sjednice Doma naroda.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, bez primjedbi (41 glas za i dva uzdržana glasa), usvojio Zapisnik 11. vanredne sjednice Doma naroda, održane 4.12.2012. godine.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, bez primjedbi (41 glas za i jedan uzdržani glas), usvojio Zapisnik 13. vanredne sjednice Doma naroda, održane 28.2.2013. godine.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, bez primjedbi (41 glas za i dva uzdržana glasa), usvojio Zapisnik 11. vanredne sjednice Doma naroda, održane 4.12.2012. godine.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, bez primjedbi (40 glasova za i jedan uzdržani glas), usvojio Zapisnik 11. sjednice Doma naroda, održane 17.5. i 15.11.2012. godine.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, bez primjedbi (42 glasa za i tri uzdržana glasa) usvojio Zapisnik 12. sjednice Doma naroda, održane 22.11.2012. godine.

Nakon usvajanja zapisnika prešlo se na utvrđivanje dnevnog reda.

Predsjedavajući je podsjetio delegate da je Mirza Ustamujić, zastupnik u Predstavničkom domu Parlamenta Federacije BiH, dostavio Prijedlog Zakona o izmjenama Zakona o notarima sa prijedlogom da se razmatra po skraćenom postupku.

Predstavnički dom Parlamenta Federacije BiH je ovaj zakon razmatrao u formi nacrtu Zakona pa kolegij Doma naroda predlaže da i Dom naroda ovaj zakon razmatra u formi nacrtu.

U raspravi o ovom prijedlogu kolegija niko nije učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 45 glasova za i uz dva uzdržana glasa, prihvatio da se Prijedlog Zakona o izmjenama Zakona o notarima razmatra u formi nacrtu.

Mira Ljubijankić, predsjednica Kluba delegata srpskog naroda, predložila je da se tačka - Izbor i imenovanja - razmatra kao 1. tačka dnevnog reda jer je u okviru ove tačke predviđeno razmatranje odluka predsjednika Federacije o imenovanju sudija Ustavnog suda Federacije.

U raspravi o ovom prijedlogu su učestvovali: Jasenko Tufekčić, Aner Žuljević, Damir Čardžić, predsjednik Kluba delegata bošnjačkog naroda Amir Zukić, Hajrudin Bećirović i Josip Perić.

Amir Zukić je, u ime Kluba delegata bošnjačkog naroda, izjavio da se ova tačka treba razmatrati kao što je predviđeno u predloženom dnevnom redu.

Nakon toga predsjedavajući je stavio na glasanje prijedlog Mire Ljubijankić i, na osnovu rezultata glasanja, konstatovao da je Dom naroda Parlamenta Federacije BiH, sa 34 glasa za i uz 17 glasova protiv, prihvatio da se tačka - Izbor i imenovanja - razmatra kao 1. tačka dnevnog reda.

Budući da više nije bilo prijedloga za izmjenu i dopunu dnevnog reda, predsjedavajući je stavio na glasanje predloženi dnevni red i konstatovao da je Dom naroda, sa 33 glasa za, uz 14 glasova protiv i uz tri uzdržana glasa, usvojio sljedeći:

DNEVNI RED

1. Izbor i imenovanja;
2. Prijedlog Zakona o izmjenama i dopunama Zakona o federalnim upravnim taksama i Tarifi federalnih upravnih taksi;
3. Prijedlog Zakona o izmjenama i dopunama Zakona o agencijama i unutrašnjim službama za zaštitu ljudi i imovine;
4. Prijedlog Zakona o izmjenama i dopunama Zakona o pravosudnom ispitu;
5. Prijedlog Zakona o zaštiti i postupanju sa djecom i maloljetnicima u krivičnom postupku;
6. Prijedlog Zakona o liječništvu;
7. Prijedlog Zakona o sestrinstvu i primaljstvu;
8. Nacrt Zakona o izmjeni Zakona o notarima (predlagač: Mirza Ustamujić, zastupnik u Predstavničkom domu Parlamenta Federacije BiH);
9. Nacrt Zakona o izmjenama i dopunama Zakona o sjemenu i sadnom materijalu poljoprivrednog bilja;
10. Nacrt Zakona o izmjenama i dopunama Zakona o poticanju razvoja male privrede;
11. Nacrt Zakona o naftnim derivatima u Federaciji BiH;
12. Nacrt Zakona o državnim službenicima i namještenicima u organima državne službe Federacije BiH;
13. Nacrt Zakona o zaštiti potrošača - korisnika finansijskih usluga;
14. Nacrt Zakona o unutrašnjem platnom prometu;
15. Nacrt Zakona o obaveznim osiguranjima u saobraćaju;
16. Nacrt Zakona o suzbijanju korupcije i organiziranog kriminala u Federaciji BiH;
17. Nacrt Zakona o proizvodnji, remontu i prometu naoružanja i vojne opreme u Federaciji BiH;
18. Prijedlog Odluke o prihvatanju zaduženja po Sporazumu o finansiranju između Bosne i Hercegovine i Međunarodne asocijacije za razvoj (IDA) za realizaciju Projekta registracije nekretnina,

Sporazum o finansiranju (Projekt registracije nekretnina) između Bosne i Hercegovine i Međunarodne asocijacije za razvoj, Projektni sporazum zaključen između Međunarodne asocijacije za razvoj i Federacije BiH i

Informacija o zaduženju kod Svjetske banke - Međunarodne asocijacije za razvoj (IDA) za realizaciju Projekta registracije nekretnina;

19. Izvještaj o poslovanju Zavoda za transfuzijsku medicinu Federacije BiH u 2011. godini.

Prije prelaska na rad po tačkama dnevnog reda predsjedavajući je dao pauzu kako bi Komisija za izbor i imenovanja zauzela stav o Odluci predsjednika Federaciji o imenovanju sudija Ustavnog suda Federacije.

Nakon pauze se prešlo na rad.

1. Izbor i imenovanja

a) Prijedlog Odluke o potvrđivanju Odluke predsjednika Federacije o imenovanju sudija Ustavnog suda Federacije

Odluku o imenovanju Šahbaza Džihanovića iz reda bošnjačkog naroda, Mladena Srdića iz reda srpskog naroda i Dragice Dragičević iz reda hrvatskog naroda za sudije Ustavnog suda Federacije BiH donio je predsjednik Federacije, uz saglasnost potpredsjednika Federacije i dostavio Domu naroda Parlamenta Federacije BiH radi potvrđivanja.

Komisija za izbor i imenovanja Doma naroda je razmatrala ovu odluku i sačinila Prijedlog Odluke.

Predsjednica Komisije za izbor i imenovanja Daliborka Milović je izjavila da Komisija nije razmatrala Odluku predsjednika Federacije jer sjednici nije prisustvovao predlađač, te predlaže Domu naroda da zauzme stav u vezi sa ovom odlukom.

U raspravi su učestvovali: Amir Zukić koji je izjavio da je 2/3 Kluba delegata bošnjačkog naroda donijelo Odluku o vitalnom interesu Kluba Bošnjaka u Domu naroda Parlamenta Federacije BiH u slučaju donošenja odluke o imenovanju Šahbaza Džihanovića za sudiju Ustavnog suda Federacije, Predrag Kojović, Damir Čardžić, Ivo Tadić, Dževad Rađo, Mira Ljubijankić, Hajrudin Bećirović, Adnan Jupić, Aner Žuljević, Jasenko Tufekčić, Vesna Saradžić, Elvira Abdić-Jelenović, Ivan Brigić, Sretko Radišić, Zoran Jovanović, Daliborka Milović i Mustafa Kurtović.

Nakon rasprave Domu naroda obratio se predsjednik Federacije Živko Budimir koji je obrazložio razloge donošenja odluke o imenovanju sudija Ustavnog suda.

Nakon toga je predsjednik Kluba delegata hrvatskog naroda Luka Faletar zatražio pauzu.

Nakon pauze, predsjedavajući je podsjetio delegate da je 12 članova Kluba delegata bošnjačkog naroda dostavilo zahtjev da razmatranje odluke o imenovanju Šahbaza Džihanovića za sudiju Ustavnog suda Federacije obavi prema proceduri predviđenoj za vitalni nacionalni interes.

Predsjedavajući je obavijestio delegate da je Kolegij zauzeo stav da se glasanje o svakom predloženom kandidatu za sudije Ustavnog suda Federacije obavi pojedinačno.

Potom se prešlo na glasanje o Odluci predsjednika Federacije o imenovanju Šahbaza Džihanovića za sudiju Ustavnog suda Federacije iz reda bošnjačkog naroda.

Na osnovu rezultata poimeničnog glasanja, koje je obavio sekretar Doma naroda Izmir Hadžić, predsjedavajući Doma naroda je konstatovao da:

- Klub delegata bošnjačkog naroda nije potvrdio Odluku predsjednika Federacije o imenovanju Šahbaza Džihanovića za sudiju Ustavnog suda Federacije jer je za glasalo pet delegata a 12 delegata je bilo protiv;

- Klub delegata hrvatskog naroda nije potvrdio Odluku predsjednika Federacije o imenovanju Šahbaza Džihanovića za sudiju Ustavnog suda Federacije jer je za glasalo osam delegata a jedan delegat je bio protiv;

- Klub delegata srpskog naroda je, sa 11 glasova za, uz dva glasa protiv i uz dva uzdržana glasa, potvrdio Odluku predsjednika Federacije o imenovanju Šahbaza Džihanovića za sudiju Ustavnog suda Federacije.

Potom se prešlo na glasanje u cjelini.

Na osnovu rezultata glasanja, predsjedavajući je konstatovao da je Dom naroda, sa 26 glasova za, uz 19 glasova protiv i uz dva uzdržana glasa, donio Odluku o potvrđivanju Odluke predsjednika Federacije o imenovanju Šahbaza Džihanovića za sudiju Ustavnog suda Federacije.

Predsjedavajući je izjavio da će ova odluka stupiti na snagu ukoliko Ustavni sud Federacije ocjeni da nije povrijeđen vitalni interes bošnjačkog naroda.

Potom se prešlo na glasanje o Odluci predsjednika Federacije o imenovanju Mladena Srdića za sudiju Ustavnog suda Federacije.

Na osnovu rezultata glasanja, predsjedavajući je konstatovao da je Dom naroda, sa 42 glasa za, uz jedan glas protiv i uz dva uzdržana glasa, donio Odluku o potvrđivanju Odluke predsjednika Federacije o imenovanju Mladena Srdića za sudiju Ustavnog suda Federacije iz reda srpskog naroda.

Potom se prešlo na glasanje o Odluci predsjednika Federacije o imenovanju Dragice Dragičević za sutkinju Ustavnog suda Federacije.

Na osnovu rezultata glasanja, predsjedavajući je konstatovao da Dom naroda nije donio odluku o potvrđivanju Odluke predsjednika Federacije o imenovanju Dragice Dragičević za sutkinju Ustavnog suda Federacije iz reda hrvatskog naroda jer je za glasalo sedam delegata, jedan delegat je bio uzdržan a 25 delegata je bilo protiv.

b) Prijedlog Odluke o izmjenama Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH

Prijedlog Odluke utvrdila je Komisija za izbor i imenovanja.

U raspravi nije niko učestvovao

Na osnovu rezultata glasanja, predsjedavajući je konstatovao da je Dom naroda, sa 36 glasova za i uz jedan uzdržani glas, donio Odluku o izmjenama Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH kojom je:

- u Zakonodavno-pravnu komisiju za člana izabran **Sretko Radišić** umjesto Predraga Kojovića;
- u Komisiju za informiranje za člana izabran **Predrag Kojić** umjesto Vlatka Zrilića;
- u Odbor za privredu za člana izabran **Marko Bosnić** umjesto Predraga Kojovića;
- u Odbor za prostorno uređenje, ekologiju i stambeno-komunalne poslove za člana izabran **Marko Bosnić** umjesto Vlatka Zrilića;
- U Zajedničku komisiju za usaglašavanje različito usvojenih tekstova zakona u domovima Parlamenta Federacije za člana izabran **Nikola Simić** umjesto Zorana Jovanovića.

Potom je predsjedavajući predložio da se sjednica prekine što su delegati i prihvatili.

Sjednica je prekinuta u 17.18.

NASTAVAK SJEDNICE OD 18.4.2013. GODINE

Sjednica je počela u 18:40 nakon završetka 14. vanredne sjednice Doma naroda.

Predsjedavajući je na prijedlog Amira Zukića predložio da se zbog ujednačavanja cijena izdavanja uvjerenja o državljanstvu u Brčko Distriktu Bosne i Hercegovine obavi rasprava o Prijedlogu Zakona o izmjenama i dopunama Zakona o federalnim upravnim taksama i Tarifi federalnih upravnih taksi, što su delegati i prihvatili.

2. Prijedlog Zakona o izmjenama i dopunama Zakona o federalnim upravnim taksama i Tarifi federalnih upravnih taksi

Prijedlog Zakona utvrdila je Vlada Federacije.

Predstavnički dom Parlamenta Federacije BiH je na 15. sjednici od 23.5.2012. godine usvojio Prijedlog Zakona o izmjenama i dopunama Zakona o federalnim upravnim taksama i Tarifi federalnih upravnih taksi sa tri amandmana koje je Vlada Federacije prihvatila kao svoje pa su postali sastavni dio Prijedloga Zakona.

Amandmani glase:

Amandman I.

U članu 10. kojim se dodaje novo poglavlje IX. a KAZNENE ODREDBE član 17.a mijenja se i glasi:

„Lica i organizacije koje ne izvrše plaćanje federalne upravne takse za spise i radnje iz ovog zakona i Tarife kaznit će se za porezni prekršaj propisan u čl. od 80. do 94. Zakona o Poreznoj upravi Federacije BiH.“

Amandman II.

U članu 11. u dijelu teksta koji se odnosi na Tar. br. 48. koji se mijenja dodati tačku 2. koja glasi:

„2. Za uvjerenje o stanju poreznih obaveza građanina za čije izdavanje po službenoj dužnosti podnosi zahtjev nadležni organ ne plaća se taksa iz tačke 1. ovog tar. br.“.

Amandman III.

U članu 11. Tar. br. 33. brisati novu tačku 10. koja se odnosi na:
„10. odobrava se izdavanje biljnog pasoša 45“.

Prijedlog Zakona razmatrala su nadležna radna tijela Doma naroda i dostavila izvještaje.

Prijedlog Zakona obrazložio je Ante Krajina, federalni ministar finansija.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 39 glasova za i uz jedan glas protiv usvojio Prijedlog Zakona o izmjenama i dopunama Zakona o federalnim upravnim taksama i Tarifi federalnih upravnih taksi.

Sjednica je prekinuta u 18.41.

NASTAVAK SJEDNICE OD 16.5.2013. GODINE

Sjednica je počela u 11.20.

Sjednici je predsjedavao Radoje Vidović, predsjedavajući Doma naroda Parlamenta Federacije BiH.

Predsjedavajući je podsjetio delegate da su članovi Kolegija Doma naroda razgovarali o situaciji u kojoj se nalazi Federacija BiH i da se nije postigao jedinstven stav u vezi sa nastavkom današnjeg rada.

Na Kolegiju su iznijeta dva prijedloga.

Prvi prijedlog se odnosio na to da se nastavi sa 14. sjednicom i da se radi do 16 sati a da Komisija za ustavna pitanja održi sjednicu i predloži zaključke vezane uz specifičnu situaciju u kojoj se nalazi Federacija BiH nastalu pritvaranjem predsjednika Federacije BiH Živka Budimira.

Drugi prijedlog se odnosio na to da se danas završi 14. sjednica, a da se obaveže Komisija za ustavna pitanja da do ponedjeljka održi sjednicu i predloži zaključke nakon čega bi se u utorak održala vanredna sjednica Doma naroda posvećena stanju u Federaciji BiH.

Predloženo je da klubovi naroda održe sjednice i zauzmu stavove o ovim prijedlozima nakon čega bi Kolegij Doma naroda pokušao zauzeti jedinstven stav u vezi sa nastavkom rada.

Potom je data pauza.

Nakon pauze, predsjednici klubova naroda izložili su stavove klubova.

Mira Ljubijankić, predsjednica Kluba delegata srpskog naroda, izjavila je kako je stav Kluba da se nastavi sa 14. sjednicom do 16 sati nakon čega bi se održala vanredna sjednica na kojoj bi se razmatrala politička situacija u Federaciji BiH. U međuvremenu Komisija za ustavna pitanja bi predložila zaključke o kojima bi se raspravljalo na sjednici Doma.

Luka Faletar, zamjenik predsjednika Kluba delegata hrvatskog naroda, izjavio je kako je stav Kluba da se nastavi sa 14. sjednicom do 15 sati nakon čega bi se održala vanredna sjednica na kojoj bi se razmatrala aktuelna politička situacija u Federaciji BiH.

Amir Zukić, predsjednik Kluba delegata bošnjačkog naroda, izjavio je da je većina članova Kluba predložila da se sjednica na kojoj bi se razmatrala aktuelna politička situacija u Federaciji BiH održi za deset dana, nakon isteka pritvora predsjedniku Federacije BiH, a da u međuvremenu radna tijela Doma naroda održe svoje sjednice i ponude rješenja vezana uz objavu akata usvojenih u Parlamentu Federacije. Dio članova Kluba je predložio da se vanredna sjednica održi danas, a da u međuvremenu radna tijela Doma naroda održe svoje sjednice.

Potom je predsjedavajući pozvao delegate da se izjasne o ovim prijedlozima.

Jasenko Tufekčić je zatražio da se obavi rasprava o ovim prijedlozima.

Na osnovu rezultata glasanja, predsjedavajući Doma naroda Parlamenta Federacije je konstatovao da Dom naroda nije prihvatio prijedlog većine članova Kluba delegata bošnjačkog naroda jer je za glasalo 11 delegata, deset delegata je bilo uzdržano, a 18 delegata je bilo protiv.

Na osnovu rezultata glasanja, predsjedavajući Doma naroda Parlamenta Federacije je konstatovao da je Dom naroda, sa 31 glasom za, uz osam glasova protiv i uz jedan uzdržani glas, prihvatio prijedlog klubova delegata hrvatskog i srpskog naroda da se danas u 15 sati održi vanredna sjednica Doma naroda na kojoj bi se raspravljalo o aktuelnoj političkoj situaciji u Federaciji BiH sa akcentom na funkcioniranje izvršne vlasti u Federaciji BiH sa posebnim osvrtom na funkciju predsjednika Federacije BiH.

Potom je predsjedavajući sazvao Vanrednu sjednicu Doma naroda sa tačkom dnevnog reda - Aktuelna politička situacija u Federaciji BiH sa osvrtom na funkcioniranje izvršne vlasti u Federaciji BiH sa posebnim osvrtom na funkciju predsjednika Federacije BiH, te pozvao Komisiju za ustavna pitanja da predloži zaključke.

Potom je predsjedavajući otvorio nastavak 14. sjednice.

Na početku sjednice predsjedavajući je pozdravio delegate, ministre u Vladi Federacije BiH, predstavnike nevladinih organizacija i predstavnike akreditiranih medijskih kuća koji prate rad sjednice.

Izostanak sa sjednice opravdali su: Edina Papo, Zora Dujmović, Esed Radeljaš, Damir Čardžić i Elvira Abdić-Jelenović.

Na osnovu evidencije Stručne službe, predsjedavajući je konstatovao da sjednici prisustvuje 44 delegata, što čini većinu, te Dom naroda može raditi i punovažno odlučivati.

Predsjedavajući je podsjetio delegate na preostale tačke dnevnog reda, te prešao na rad.

3. Prijedlog Zakona o izmjenama i dopunama Zakona o agencijama i unutrašnjim službama za zaštitu ljudi i imovine

Prijedlog Zakona utvrdila je Vlada Federacije.

Predstavnički dom je na 17. sjednici, održanoj 28.11.2012. godine, usvojio Prijedlog Zakona u tekstu kako ga je predložila Vlada Federacije BiH.

Na Prijedlog Zakona Komisija za sigurnost podnijela je amandman koji se odnosi na član 43. kojim se dodaje član 59.d.

Vlada Federacije je dostavila izjašnjenje kojim prihvata Amandman.

Amandman glasi:

U članu 43. Prijedloga Zakona o izmjenama i dopunama Zakona o agencijama i unutrašnjim službama za zaštitu ljudi i imovine kojim se dodaju članovi 59.a, 59.b, 59.c, 59.d i 59.e u članu 59.d u stavu 1. iza riječi: "i fakultet političkih nauka" riječi: "sigurnost i politologija" se brišu.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložila je Medina Đapo, pomoćnica federalnog ministra unutrašnjih poslova.

Almedin Aliefendić obrazložio je Izvještaj Komisije za sigurnost.

U raspravi nije niko učestvovao.

Na osnovu rezultata glasanja, predsjedavajući Doma naroda Parlamenta Federacije je konstatovao da je Dom naroda Parlamenta Federacije BiH, sa 33 glasa za, uz pet uzdržanih glasova i uz dva glasa protiv, usvojio Prijedlog Zakona o izmjenama i dopunama Zakona o agencijama i unutrašnjim službama za zaštitu ljudi i imovine.

Prema tome, Prijedlog Zakona o izmjenama i dopunama Zakona o agencijama i unutrašnjim službama za zaštitu ljudi i imovine je usvojen u različitom tekstu u oba doma Parlamenta Federacije BiH, pa ga je **potrebno usaglasiti**.

4. Prijedlog Zakona o izmjenama i dopunama Zakona o pravosudnom ispitu

Prijedlog Zakona utvrdila je Vlada Federacije.

Predstavnički dom je na 17. sjednici, održanoj 28.11.2012. godine, usvojio Prijedlog Zakona u tekstu kako ga je predložila Vlada Federacije BiH.

Prijedlog Zakona su razmatrala nadležna radna tijela i dostavila izvještaje.

Prijedlog Zakona je obrazložio Zoran Mikulić, federalni ministar pravde.

U raspravi nije niko učestvovao.

Na osnovu rezultata glasanja, predsjedavajući Doma naroda Parlamenta Federacije je konstatovao da je Dom naroda Parlamenta Federacije BiH, sa 34 glasa za, uz tri uzdržana glasa i uz jedan glas protiv, usvojio Prijedlog Zakona o izmjenama i dopunama Zakona o pravosudnom ispitu.

5. Prijedlog Zakona o zaštiti i postupanju sa djecom i maloljetnicima u krivičnom postupku

Prijedlog Zakona utvrdila je Vlada Federacije.

Predstavnički dom je na 17. sjednici, održanoj 28.11.2012. godine, usvojio Prijedlog Zakona sa osam amandmana koje je Vlada Federacije prihvatila, pa su postali sastavni dio Prijedloga Zakona i Amandmanom koji je izglasao Predstavnički dom, ali ga Vlada Federacije nije prihvatila. Predstavnički dom je prihvatio i ispravku tehničke pogreške koju je federalni ministar pravde dao na sjednici Predstavničkog doma, a to je da u članu 201. riječi: „do stupanja na snagu“ treba zamijeniti riječima: „do početka primjene“.

Amandmani koje je Vlada Federacije prihvatila:

Amandman I.

U članu 8. izvršiti izmjenu tako da glasi:

„Tužilac za maloljetnike (u daljnjem tekstu: tužilac) i sudac za maloljetnike (u daljnjem tekstu: sudac) u skladu sa principima i pravilima propisanim ovim zakonom i podzakonskim aktima razmotrit će mogućnost da ne pribjegavaju vođenju formalnog kaznenog postupka nego da slučaj maloljetnog učinioca kaznenog djela riješe primjenom odgojnih preporuka kada su one u najboljem interesu maloljetnika.“

Amandman II.

U članu 12. u stavu (1) između alineje s) i alineje t) dodati novu alineju š) koja glasi:

„š) „odgojni centar“ je ustanova koju osniva kanton u kojoj se izvršava odgojna mjera upućivanja maloljetnika u odgojni centar u kojoj se vrši dijagnostika i opservacija maloljetnih učinioca kaznenih djela tokom sudskog postupka prema naredbi tužiteljstva ili suda, te osigurava prihvata i privremeni smještaj maloljetnih učinioca kaznenih djela tokom pripremnog postupka.“

Amandman III.

U članu 24. u stavu (1) riječ „pet“ zamijeniti riječju „tri“.

Amandman IV.

U članu 45. u st. (1) i (2) iza riječi: „posebne obaveze“ i „posebnih obaveza“ pisati zarez i dodati riječi: „mjere upozorenja i usmjerenja“.

Amandman V.

U članu 89. u stavu (1) riječ „pet“ zamijeniti riječju „tri“.

Amandman VI.

U članu 96. u stavu (6) riječi: „12 sati“ zamijeniti riječima: „24 sata“.

Amandman VII.

U članu 98. riječi: „12 sati“ zamijeniti riječima „24 sata“.

Amandman VIII.

Član 139. mijenja se i dopunjava novim stavovima tako da glasi:

„(1) Maloljetnik za vrijeme izvršenja mjere boravka u odgojnom centru na određeni broj sati tokom dana ostaje kod roditelja, usvoioca ili staraoca, nastavlja pohađati školu ili odlaziti na posao. Mjera boravka u odgojnom centru na određeni broj sati tokom dana izvršava se u periodu od 08 do 20 sati u slobodnom vremenu maloljetnika usklađenom sa školskim ili radnim obavezama.

(2) Prijem maloljetnika u ustanovu vrši se na osnovu izvršne odluke suda i druge neophodne dokumentacije utvrđene aktom o prijemu, tretmanu i otpustu maloljetnika.

(3) Maloljetniku upućenom u odgojni centar na neprekidni boravak osigurava se smještaj i ishrana. Maloljetniku upućenom u odgojni centar na period duži od četiri sata dnevno osigurava se odgovarajući broj obroka hrane.

(4) Izvještaj o toku i rezultatima provedbe mjere se dostavlja na zahtjev sudiji, tužiocu i organu starateljstva tokom samog trajanja mjere i obavezno po njenom isteku, a u slučaju kada je ova mjera određena u najdužem trajanju (član 36. stav (2) tačka b), svakih 15 dana.

(5) Ukoliko se zbog nediscipline, ometanja ili onemogućavanja izvršenja mjere od maloljetnika ona ne može izvršiti odgojni centar je dužan u roku od 76 sati obavijestiti nadležni sud radi poduzimanja odgovarajućih mjera.

(6) Dokumentacija maloljetnika koja sadrži podatke o identitetu maloljetnika i postupku izricanja i izvršavanja ove odgojne mjere povjerljive je prirode i dostupna je samo nadležnim organima u skladu sa zakonom.

(7) Sve ustanove, organizacije, institucije i druga pravna lica obavezna su sarađivati sa odgojnim centrom sa ciljem što efikasnije provedbe ove mjere, a u najboljem interesu maloljetnika.“

Predstavnički dom je usvojio Amandman koji je Predstavnički dom izglasao, a koji Vlada Federacije BiH nije prihvatila, a koji glasi:

„U članu 51. u stavu (1) riječ „pet“ zamijeniti riječju „10“ tako da izmijenjeni član 51. stav (1) sada glasi:

„(1) Kazna maloljetničkog zatvora koja se izriče maloljetnom učiniocu kaznenog djela ne može biti duža od deset godina, a izriče se na pune godine ili na mjesece.““

Prijedlog Zakona su razmatrala nadležna radna tijela i dostavila izvještaje.

Prijedlog Zakona je obrazložio Zoran Mikulić, federalni ministar pravde.

U raspravi nije niko učestvovao.

Nakon rasprave se glasalo o Amandmanu koji je Predstavnički dom izglasao.

Na osnovu rezultata glasanja, predsjedavajući Doma naroda Parlamenta Federacije je konstatovao da Dom naroda Parlamenta Federacije BiH nije usvojio Amandman, jer je za glasalo 23 delegata, osam delegata je bilo uzdržano, a četiri delegata su bila protiv.

Potom se glasalo o Prijedlogu Zakona.

Na osnovu rezultata glasanja, predsjedavajući Doma naroda Parlamenta Federacije je konstatovao da je Dom naroda Parlamenta Federacije BiH, sa 31 glasom za i uz dva uzdržana glasa, usvojio Prijedlog Zakona o zaštiti i postupanju sa djecom i maloljetnicima u kaznenom postupku.

Budući da je Prijedlog Zakona o zaštiti i postupanju sa djecom i maloljetnicima u kaznenom postupku usvojen u različitom tekstu u oba doma Parlamenta Federacije BiH **potrebno** ga je **usaglasiti**.

6. Prijedlog Zakona o liječništvu

Prijedlog Zakona utvrdila je Vlada Federacije.

Predstavnički dom je na 17. sjednici, održanoj 28.11.2012. godine, usvojio Prijedlog Zakona sa dva amandmana Vlade Federacije i ispravkom tehničke prirode koju je federalni ministar zdravstva uvažio na sjednici Predstavničkog doma kojom se u članu 10. Prijedloga Zakona na hrvatskom jeziku u posljednjoj alineji riječ „ovlaštene“ zamjenjuje riječju „nadležne“.

Amandmani glase:

Amandman I.

U članu 2. iza stava 1. dodaje se novi stav koji glasi:

„Zabranjuje se diskriminiranje liječnika s obzirom na mjesto obavljanja liječničkih djelatnosti bilo u javnom ili u privatnom zdravstvenom sektoru.“

Amandman II.

U članu 40. na kraju stava 2. briše se tačka i dodaju zarez i riječi: „kao i pacijenta odnosno osobu koju pacijent odredi i članove njegove uže porodice, zakonskog zastupnika ili staratelja, a u skladu sa propisima o pravima, obavezama i odgovornostima pacijenata“.

Prijedlog Zakona su razmatrala nadležna radna tijela i dostavila izvještaje.

Prijedlog Zakona je obrazložila Marina Bera, pomoćnica federalnog ministra zdravstva.

U raspravi nije niko učestvovao.

Na osnovu rezultata glasanja, predsjedavajući Doma naroda Parlamenta Federacije je konstatovao da Dom naroda Parlamenta Federacije BiH nije usvojio Prijedlog Zakona o liječništvu, jer je za glasalo 27 delegata, sedam delegata je bilo uzdržano, a jedan delegat je bio protiv.

Budući da su Dževad Rađo, Adnan Jupić i Senahid Šaković izrazili sumnju u rezultate glasanja, sekretar Doma naroda je obavio poimenično glasanje.

Na osnovu rezultata poimeničnog glasanja, predsjedavajući Doma naroda Parlamenta Federacije je konstatovao da je Dom naroda Parlamenta Federacije BiH, sa 31 glasom za i uz pet uzdržanih glasova, usvojio Prijedlog Zakona o liječništvu.

7. Prijedlog Zakona o sestrinstvu i primaljstvu

Prijedlog Zakona utvrdila je Vlada Federacije.

Predstavnički dom je na 17. sjednici, održanoj 28.11.2012. godine, usvojio Prijedlog Zakona sa Amandmanom Vlade Federacije koji je postao sastavni dio Prijedloga Zakona.

Amandman glasi:

„U članu 17. u prvoj alineji iza riječi: „općeg smjera“ dodaju se riječi: „pedijatrijskog i psihogerijatrijskog smjera“.

Prijedlog Zakona su razmatrala nadležna radna tijela i dostavila izvještaje.

Prijedlog Zakona je obrazložila Marina Bera, pomoćnica federalnog ministra zdravstva.

U raspravi je učestvovala Vesna Nemeč-Klisura.

Na osnovu rezultata glasanja, predsjedavajući Doma naroda Parlamenta Federacije je konstatovao da je Dom naroda Parlamenta Federacije BiH, sa 33 glasa za, uz jedan glas protiv i uz jedan uzdržani glas usvojio Prijedlog Zakona o sestrinstvu i primaljstvu.

8. Nacrt Zakona o izmjeni Zakona o notarima (Predlagač: Mirza Ustamujić, zastupnik u Predstavničkom domu Parlamenta Federacije BiH)

Predsjedavajući je podsjetio delegate da je Dom naroda u prethodnom postupku odlučio da ovaj zakon razmatra u formi nacrta Zakona.

Vlada Federacije je dostavila Amandman na Prijedlog Zakona i izjašnjenje kojim podržava razloge za donošenje ovog zakona.

Predstavnički dom je na 17. sjednici, održanoj 28. i 29.11.2012. godine, u prethodnom postupku odlučio da ovaj zakon razmatra u formi nacrta Zakona. Prilikom razmatranja ovog nacrta Zakona, Predstavnički dom ga je Zaključkom prihvatio i stavio na javnu raspravu.

Zakon su u formi prijedloga razmatrala nadležna radna tijela i dostavila izvještaje.

Nacrt Zakona je obrazložio predlagač Zakona Mirza Ustamujić.

U raspravi su učestvovali Zoran Jovanović i Sretko Radišić.

Na osnovu rezultata glasanja, predsjedavajući Doma naroda Parlamenta Federacije je konstatovao da Dom naroda Parlamenta Federacije BiH nije prihvatio Nacrt Zakona o notarima, jer je za glasalo 20 delegata, dva delegata su bila protiv, a 15 delegata je bilo uzdržano.

Budući da je Mira Ljubijankić, koju je podržao Branislav Crnogorac, izrazila sumnju u rezultate glasanja, sekretar Doma naroda je obavio poimenično glasanje.

Na osnovu rezultata poimeničnog glasanja, predsjedavajući Doma naroda Parlamenta Federacije je konstatovao da Dom naroda Parlamenta

Federacije BiH **nije prihvatio** Nacrt Zakona o notarima, jer su za glasala 23 delegata, jedan delegat je bio protiv, a 18 delegata je bilo uzdržano.

9. Nacrt Zakona o izmjenama i dopunama Zakona o sjemenu i sadnom materijalu poljoprivrednog bilja

Nacrt Zakona utvrdila je Vlada Federacije.

Predstavnički dom je na nastavku 13. sjednice, održanoj 12.4.2012. godine, razmatrao Nacrt Zakona i Zaključkom ga prihvatio.

Nacrt Zakona su razmatrala nadležna radna tijela i dostavila izvještaje.

Nacrt Zakona je obrazložila Sabaheta Čutuk, predstavnica predlagača.

U raspravi niko nije učestvovao.

Na osnovu rezultata glasanja, predsjedavajući Doma naroda Parlamenta Federacije je konstatovao da je Dom naroda Parlamenta Federacije BiH, sa 33 glasa za, uz dva glasa protiv i uz sedam uzdržanih glasova, usvojio sljedeći:

ZAKLJUČAK

Dom naroda Parlamenta Federacije Bosne i Hercegovine prihvaća Nacrt Zakona o izmjenama i dopunama Zakona o sjemenu i sadnom materijalu poljoprivrednog bilja i smatra da može poslužiti kao osnov za izradu prijedloga Zakona.

10. Nacrt Zakona o izmjenama i dopunama Zakona o poticanju razvoja male privrede

Nacrt Zakona utvrdila je Vlada Federacije.

Predstavnički dom je na nastavku 17. sjednice, održane 29.11.2012. godine, razmatrao Nacrt Zakona i Zaključkom ga prihvatio. Tom prilikom Zakon je stavljen na javnu raspravu.

Nacrt Zakona su razmatrala nadležna radna tijela i dostavila izvještaje.

Nacrt Zakona je obrazložio Zdravko Čerović, pomoćnik federalnog ministra razvoja, poduzetništva i obrta.

Predsjednik Odbora za privredu Hajrudin Bećirović je obrazložio izvještaj Odbora.

U raspravi niko nije učestvovao.

Na osnovu rezultata glasanja, predsjedavajući Doma naroda Parlamenta Federacije je konstatovao da je Dom naroda Parlamenta Federacije BiH, sa 35 glasova za i uz tri uzdržana glasa, usvojio sljedeći:

ZAKLJUČAK

1. Dom naroda Parlamenta Federacije BiH prihvaća Nacrt zakona o izmjenama i dopunama Zakona o poticanju razvoja malog gospodarstva i smatra da može poslužiti kao osnov za izradu prijedloga Zakona.
2. Zadužuje se Vlada Federacije da organizira javnu raspravu u trajanju 60 dana.
3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici kao i one iznesene na javnoj raspravi.

11. Nacrt Zakona o naftnim derivatima u Federaciji BiH

Nacrt Zakona utvrdila je Vlada Federacije.

Predstavnički dom je na nastavku 17. sjednice, održane 29.11.2012. godine, razmatrao Nacrt Zakona i Zaključkom ga prihvatio. Tom prilikom Zakon je stavljen na javnu raspravu.

Nacrt Zakona su razmatrala nadležna radna tijela i dostavila izvještaje.

Nacrt Zakona je obrazložio Erdal Trhulj, federalni ministar energije, rudarstva i industrije.

Predsjednik Odbora za privredu Hajrudin Bećirović je obrazložio Izvještaj Odbora i predložio Zaključak Odbora koji je pročitao.

U raspravi su učestvovali Ivo Divković i Hajrudin Bećirović.

Na osnovu rezultata glasanja, predsjedavajući Doma naroda Parlamenta Federacije je konstatovao da je Dom naroda Parlamenta Federacije BiH, sa 42 glasa za, uz jedan glas protiv i uz dva uzdržana glasa, usvojio sljedeći:

ZAKLJUČAK

1. Dom naroda Parlamenta Federacije BiH prihvaća Nacrt Zakona o naftnim derivatima u Federaciji BiH i smatra da može poslužiti kao osnov za izradu prijedloga Zakona.
2. Zadužuje se Vlada Federacije da organizira javnu raspravu u trajanju 60 dana.
3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici Doma naroda, kao i one dostavljene u pisanoj formi.

Na osnovu rezultata glasanja, predsjedavajući Doma naroda Parlamenta Federacije je konstatovao da je Dom naroda Parlamenta Federacije BiH, sa 33 glasa za, uz tri glasa protiv i uz osam uzdržanih glasova, usvojio Zaključak Odbora za privredu koji glasi:

ZAKLJUČAK

Dom naroda Parlamenta Federacije BiH zadužuje Kolegij Doma naroda da na dnevni red naredne sjednice uvrsti Prijedlog Zakona o električnoj energiji u Federaciji BiH, Prijedlog Zakona o koncesijama i druge zakone iz energetskeg sektora kako bi se zaokružio i upotpunio zakonski okvir energetskeg sektora.

12. Nacrt Zakona o državnim službenicima i namještenicima u organima državne službe Federacije BiH

Nacrt Zakona utvrdila je Vlada Federacije. Naknadno je Vlada Federacije dostavila novi tekst Zakona.

Predstavnički dom je na nastavku 17. sjednice, održane 29.11.2012. godine, razmatrao Nacrt Zakona i Zaključkom ga prihvatio. Tom prilikom Zakon je stavljen na javnu raspravu.

Nacrt Zakona su razmatrala nadležna radna tijela i dostavila izvještaje.

Nacrt Zakona je obrazložio Zoran Mikulić, federalni ministar pravde.

U raspravi su učestvovali: Sretko Radišić, Zoran Jovanović, Senahid Šaković i Almedin Aliefendić.

Na osnovu rezultata glasanja, predsjedavajući Doma naroda Parlamenta Federacije je konstatovao da Dom naroda Parlamenta Federacije BiH nije prihvatio Nacrt Zakona o državnim službenicima i namještenicima u organima državne službe Federacije BiH, jer je za glasalo 25 delegata, četiri delegata su bila protiv a sedam delegata je bilo uzdržano.

Budući da su Ivo Divković, Vesna Nemeč-Klisura i Jasmin Smailbegović izrazili sumnju u rezultate glasanja, sekretar Doma naroda je obavio poimenično glasanje.

Na osnovu rezultata poimeničnog glasanja, predsjedavajući Doma naroda Parlamenta Federacije je konstatovao da Dom naroda Parlamenta Federacije BiH **nije prihvatio** Nacrt Zakona o državnim službenicima i namještenicima u organima državne službe Federacije BiH, jer su za glasala 23 delegata, jedan delegat je bio protiv a 18 delegata je bilo uzdržano.

Potom je predsjedavajući prekinuo sjednicu kako bi se održala sjednica Komisije za ustavna pitanja i 15. vanredna sjednica.

Sjednica je prekinuta u 16 i 20.

NASTAVAK SJEDNICE OD 6.6.2013. GODINE

Sjednica je počela u 11.30.

Sjednici je predsjedavao Radoje Vidović, predsjedavajući Doma naroda Parlamenta Federacije BiH.

Na početku sjednice predsjedavajući je pozdravio delegate, ministre u Vladi Federacije BiH, predstavnike nevladinih organizacija i predstavnike akreditiranih medijskih kuća koji prate rad sjednice.

Izostanak sa sjednice opravdali su: Nikola Simić, Mladen Lonić, Zoran Jovanović, Karolina Pavlović, Slaviša Mihajlović, Josip Perić, Tomislav Martinović i Elvira Abdić-Jelenović.

Na osnovu evidencije Stručne službe, predsjedavajući je konstatovao da sjednici prisustvuje 39 delegata, što čini većinu, te Dom naroda može raditi i punovažno odlučivati.

Prije prelaska na rad predsjedavajući je podsjetio delegate da su Ustavni sud Bosne i Hercegovine i Ustavni sud Federacije BiH do sada donijeli presude kojima je utvrđeno da određene odredbe zakona i odluka nisu u skladu sa Ustavom Bosne i Hercegovine i Ustavom Federacije BiH. Podsjetio je da je dosad donesno 18 presuda i pozvao premijera Federacije da pristupi izvršenju ovih presuda.

Potom je predsjedavajući podsjetio delegate na preostale tačke dnevnog reda i prešao na rad.

13.Nacrt Zakona o zaštiti potrošača-korisnika finansijskih usluga

Nacrt Zakona utvrdila je Vlada Federacije.

Predstavnički dom je na nastavku 17. sjednice, održane 29.11.2012. godine, razmatrao Nacrt Zakona i Zaključkom ga prihvatio.

Nacrt Zakona su razmatrala nadležna radna tijela i dostavila izvještaje.

Nacrt Zakona je obrazložio Ante Krajina, federalni ministar finansija.

U raspravi je učestvovao Ivo Divković.

Na osnovu rezultata glasanja, predsjedavajući Doma naroda Parlamenta Federacije je konstatovao da je Dom naroda Parlamenta Federacije BiH jednoglasno (41 glas za) usvojio sljedeći:

ZAKLJUČAK

1. Dom naroda Parlamenta Federacije BiH prihvaća Nacrt Zakona o zaštiti potrošača-korisnika finansijskih usluga i smatra da može poslužiti kao osnov za izradu prijedloga Zakona.
2. Zadužuje se Vlada Federacije da organizira javnu raspravu u trajanju 60 dana.

3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici, kao i one iznesene na javnoj raspravi.

14.Nacrt Zakona o unutrašnjem platnom prometu

Nacrt Zakona utvrdila je Vlada Federacije.

Predstavnički dom je na nastavku 17. sjednice, održane 29.11.2012. godine, razmatrao Nacrt Zakona i Zaključkom ga prihvatio.

Nacrt Zakona su razmatrala nadležna radna tijela i dostavila izvještaje.

Nacrt Zakona je obrazložio Ante Krajina, federalni ministar finansija.

U raspravi su učestvovali Senahid Šaković, Mira Ljubijankić i Sretko Radišić.

Na osnovu rezultata glasanja, predsjedavajući Doma naroda Parlamenta Federacije je konstatovao da je Dom naroda Parlamenta Federacije BiH, sa 32 glasa za i uz jedan uzdržani glas, usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o unutrašnjem platnom prometu i smatra da može poslužiti kao osnov za izradu prijedloga Zakona.
2. Zadužuje se Vlada Federacije da organizira javnu raspravu u trajanju 60 dana.
3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici kao i one iznesene na javnoj raspravi.

15.Nacrt Zakona o obaveznim osiguranjima u saobraćaju

Nacrt Zakona utvrdila je Vlada Federacije.

Predstavnički dom je na nastavku 17. sjednice, održane 29.11.2012. godine, razmatrao Nacrt Zakona i Zaključkom ga prihvatio.

Nacrt Zakona su razmatrala nadležna radna tijela i dostavila izvještaje.

Nacrt Zakona je obrazložio Zoran Mikulić, federalni ministar pravde.

U raspravi su učestvovali Amir Zukić, koji je, u ime Kluba delegata bošnjačkog naroda, predložio da se pribavi saglasnost Upravnog odbora Agencije za osiguranje u Bosni i Hercegovini na ovaj zakon i Zoran Mikulić.

Na osnovu rezultata glasanja, predsjedavajući Doma naroda Parlamenta Federacije je konstatovao da je Dom naroda Parlamenta Federacije BiH jednoglasno (38 glasova za) usvojio sljedeći:

ZAKLJUČAK

1. Dom naroda Parlamenta Federacije BiH prihvaća Nacrt Zakona o obveznim osiguranjima u prometu i smatra da može poslužiti kao osnov za izradu prijedloga Zakona.
2. Zadužuje se Vlada Federacije da organizira javnu raspravu u trajanju 60 dana.
3. Zadužuje se Vlada Federacije da prilikom izrade prijedloga Zakona ima u vidu mišljenje, primjedbe, prijedloge i sugestije iznesene na sjednici i u javnoj raspravi i da pribavi saglasnost Upravnog odbora Agencije za osiguranje u Bosni i Hercegovini na ovaj zakon.

16.Nacrt Zakona o suzbijanju korupcije i organiziranog kriminala u Federaciji BiH

Nacrt Zakona utvrdila je Vlada Federacije.

Predstavnički dom je na nastavku 17. sjednice, održane 29.11.2012. godine, razmatrao Nacrt Zakona i Zaključkom ga prihvatio.

Nacrt Zakona su razmatrala nadležna radna tijela i dostavila izvještaje.

Nacrt Zakona je obrazložio Zoran Mikulić, federalni ministar pravde.

U raspravi su učestvovali: Mira Ljubijankić, Hanka Vajzović, Aner Žuljević, Vesna Saradžić, Sretko Radišić i Ivo Divković.

Na osnovu rezultata glasanja, predsjedavajući Doma naroda Parlamenta Federacije je konstatovao da je Dom naroda Parlamenta Federacije BiH, sa 34 glasa za i uz tri uzdržana glasa, usvojio sljedeći:

ZAKLJUČAK

1. Dom naroda Parlamenta Federacije BiH prihvaća Nacrt Zakona o suzbijanju korupcije i organiziranog kriminala u Federaciji BiH i smatra da može poslužiti kao osnov za izradu prijedloga Zakona.
2. Zadužuje se Vlada Federacije da organizira javnu raspravu u trajanju 60 dana.
3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici kao i one iznesene na javnoj raspravi.

17.Nacrt Zakona o proizvodnji, remontu i prometu naoružanja i vojne opreme u Federaciji BiH

Nacrt Zakona utvrdila je Vlada Federacije.

Predstavnički dom je na nastavku 17. sjednice, održane 29.11.2012. godine, razmatrao Nacrt Zakona i Zaključkom ga prihvatio.

Nacrt Zakona su razmatrala nadležna radna tijela i dostavila izvještaje.

Nacrt Zakona je obrazložio Fahrudin Smajlagić, direktor Direkcije za namjensku industriju u Federalnom ministarstvu energije, rudarstva i industrije.

Hajrudin Bećirović, predsjednik Odbora za privredu je obrazložio izvještaj Odbora i pročitao zaključke koje je Odbor predložio.

U raspravi su učestvovali: Hanka Vajzović, Hajrudin Bećirović, Mustafa Kurtović i Fahrudin Smajlagić.

Na osnovu rezultata glasanja, predsjedavajući Doma naroda Parlamenta Federacije je konstatovao da Dom naroda Parlamenta Federacije BiH **nije prihvatio** Nacrt Zakona o proizvodnji, remontu i prometu naoružanja i vojne opreme u Federaciji BiH, jer je za glasalo šest delegata, 14 delegata je bilo uzdržano, a 16 delegata je bilo protiv.

18. Prijedlog Odluke o prihvatanju zaduženja po Sporazumu o finansiranju između Bosne i Hercegovine i Međunarodne asocijacije za razvoj (IDA) za realizaciju Projekta registracije nekretnina,

- Sporazum o finansiranju (Projekt registracije nekretnina) između Bosne i Hercegovine i Međunarodne asocijacije za razvoj
- Projektni sporazum zaključen između Međunarodne asocijacije za razvoj i Federacije BiH
- Informacija o zaduženju kod Svjetske banke - Međunarodne asocijacije za razvoj (IDA) za realizaciju Projekta registracije nekretnina

Odluku je utvrdila Vlada Federacije i dostavila je Parlamentu Federacije radi razmatranja i donošenja.

Predstavnički dom je na nastavku 17. sjednice, održane 29.11.2012. godine, donio ovu odluku.

Odluku su razmatrala nadležna radna tijela i dostavila izvještaje.

U raspravi nije niko učestvovao.

Na osnovu rezultata glasanja, predsjedavajući Doma naroda Parlamenta Federacije je konstatovao da je Dom naroda Parlamenta Federacije BiH, sa 34 glasa za, uz dva glasa protiv i uz dva uzdržana glasa, donio Odluku o prihvatanju zaduženja po Sporazumu o finansiranju između Bosne i Hercegovine i Međunarodne asocijacije za razvoj (IDA) za realizaciju Projekta registracije nekretnina.

19. Izvještaj o poslovanju Zavoda za transfuzijsku medicinu Federacije BiH u 2011. godini

Premijer Federacije je ovaj izvještaj dostavio Parlamentu Federacije radi razmatranja i usvajanja.

Predstavnički dom je na 9. vanrednoj sjednici, održanoj 11.9.2012. godine, prihvatio ovaj izvještaj.

Izvještaj su razmatrala nadležna radna tijela i dostavila izvještaje.

U raspravi nije niko učestvovao.

Na osnovu rezultata glasanja, predsjedavajući Doma naroda Parlamenta Federacije je konstatovao da je Dom naroda Parlamenta Federacije BiH, sa 36 glasova za i uz jedan uzdržani glas, prihvatio Izvještaj o poslovanju Zavoda za transfuzijsku medicinu Federacije BiH u 2011. godini.

Sjednica je završena u 13 i 40.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆI

Radoje Vidović